

重刊道藏輯要

太上老君說常清靜真經

八洞仙祖合註

天地之道恒久而不已君子法天行之健亦用是日強而不
息中庸引詩既曰於穆不已又引文德之純曰純亦不已若
此者皆發明

太上清靜經一箇常字人患無常倘少雜不克常曰清靜終
不得爲清靜也

老君曰大道無形生育天地大道無情運行日月大道無名長
養萬物豈不知其名強名曰道

道藏輯要

太上常清靜經
八洞仙祖合註

壹

一尾集一

兩儀奠定而後天地之位立矣天地有形者也而生是天地
者卻自無形無形者何道也自烏兔代嬪而出日月之運見
矣日月有情者也而生是日月者卻自無情無情者何道也
自是而品物流形有知無知長養於天地日月中者物之數
號萬矣萬物皆有名者也而生是萬物者亦自無名無名者
何道也是道也其名何昉乎曰無所昉也亦第擬焉而強
爲名之曰道而已矣

夫道者有清有濁有動有靜天清地濁天動地靜男清女濁男
動女靜降木流末而生萬物

自有天地萬物以來清濁動靜之分昭然若揭矣而不知其

太上老君說常清靜真經八洞仙祖合註

正一天師清微弟子 洪百堅 製作

道教學術資訊網站

清濁動靜同自大道中來惟道有清濁動靜斯教化而川流
於以各具道之一體而分形著見如天則得道之清而清也
地則得道之濁而濁也而男象天則稟天之清者實本道之
清女象地則稟地之濁者實本道之濁而或動以直或靜以
翕天地男女亦因不逾乎道道非天地男女之大範圍也
乎故既有天地則生男女既有男女則生萬物是一本而散
爲萬殊者也

清者濁之源動者靜之某人能常清靜天地悉皆歸

夫以天地之天男女之繁而皆不出乎清濁動靜之外則是
清濁動靜爲容不窮其旨哉清與濁相反迥由清而濁不見

道藏輯要

太上常清靜經
八洞仙祖合註

二

一尾集一

爲清矣要其所以清者固自在也濁激則仍清清固濁之源
也動與靜相反迥動極而靜不見其動矣要其所以動者本
根於靜也動而無動猶是靜而無靜也此動所以爲靜之基
也人特患不能清靜耳即能清而不能常守能靜而不能常
貞終不得謂之清靜即不得謂之常清靜也果其能之則能
天地而無疆矣兩大有不竭之也哉

夫人神好清而心擾之人心好靜而欲牽之常能遣其欲而心
自靜澄其心而神自清自然六欲不生三毒消滅

是清靜也領於谷神而持於無心者也神未嘗不好清而妄
心擾之則神不勝妄矣心好靜而私欲牽之則心不勝私矣

邪正不兩立固自彰彰若是果能遺其私欲之滋澄其本心之明而心固有靜神固有清維彼六欲三毒各自消滅而無或萌發之竊發矣

所以不能者爲心未澄欲未遺也能遺之者內觀其心無其心外觀其形無其形遠觀其物無其物

此亦人人其能之事而眾生所以不能者心未之澄欲未之遺也惟心不澄則從心生形從心生物而妄心就起不可究詰是皆有心之見者存而心遂相牽於胡底於此而有能遺之者不惟外觀遠觀無形無物即內觀其心而亦心無其心心目無矣亦何有形與物哉

道藏輯要

太上常清靜經
八洞仙祖合注

三一尾集一
八一

三者既悟惟見於空觀空亦空空無所空所空既無無亦無無無既無湛然常寂

夫無心因以無形而無物一朝頓悟萬象皆空謂之三者在空可也不僅三者見空其亦可也夫於實處見空而遂執以爲空則猶有空之所也有空之所尚非真空惟空無所空則雖在空中並不知其爲空則是所謂無也而要之無無亦無猶是空無所空則第湛然常寂也云爾

寂無所寂欲豈能生欲既不生即是眞靜眞常應物眞常得性常應常靜常清靜矣

迨至寂亦無所寂則吾心即天之心地之心亦即道之心矣

正一天師清微弟子 洪百堅 製作

道教學術資訊網站

道本渾渾噩噩不可名有亦不可名無者也心印乎道欲亦何自生乎欲既不生即是眞清而眞靜矣惟眞則可以應酬乎萬物亦惟眞則可以自得其本性而再矢之以常豈不常清而常靜也哉

如此清靜漸入眞道既入眞道名爲得道雖名爲得道實無所得爲化眾生名爲得道能悟之者可傳聖道

夫道本清靜者也我既如此清靜則可以漸入手眞道矣入道即可以名得道矣然便謂之得則尚非空無所空寂無所寂無無亦無之道也故雖名爲得道而實無得之之所本不可以言得乃以化眾生而不以實有所得誘之彼眾生安肯向

道藏輯要

太上常清靜經
八洞仙祖合注

四一尾集一
八二

清靜路上來則不得不以得道名之也世人能悟到此豈不可以傳聖道乎哉

老君曰上士無爭下士好爭上德不德下德執德執著之音不名道德

道在清靜如是知之者欲得手道而恥不得乎道於是乎爭心起焉偶或得之則拳拳執持而弗敢失爭之執之似也然此下士之所爲而上士不出此也上士則無爭而德不德矣總之道無定方於此而寓於彼而寓清者道也濁者亦道靜者道也動者亦道人能看得大道則通方可頭頭見道而無取乎執著爲也若執著之則不名道德矣此無起執著天經

所以致傲於斷障也夫

眾生所以不得真道者爲有妄心既有妄心即驚其神既驚其神即苦萬物既苦萬物即生貪求既生貪求即是煩惱煩惱妄想憂苦身心便遭渴辱流浪生死常沉苦海永失真道

執著之見固不可有而虛妄之心尤不可萌一有妄心則神出乎舍驚而弗得甯矣神驚而弗甯則物交物而紛華靡麗比比相著而貪求之念自不能已迫求之弗得煩惱叢生而身心皆爲之憂苦於是乎清者全淪於濁中而不覺其龍輒遺其辱以致流浪生死常沉滯夫苦海永失乎真道是可哀矣

道藏輯要

太上常清靜經
八洞仙祖合註

五

一尾集一

真常之道悟者自得得悟道者常清靜矣

第是真道也清爲真清靜爲真靜而得之者斷未有不自能悟來果能悟得這箇道空而無空寂而無寂則亦清而無清靜而無靜矣夫何有不常清常靜而爲荷道之偉人也哉甚矣太上此篇清靜之言固與道德經相表裏者也至矣度以加矣

於是八洞仙祖相與共訂真經秘隨復敬爲總註曰道本無何有形何有情又何有名形無則真空見情無則妄念指名無則萬緣息無諸繫滯自無貪求無或貪求自無煩惱不生動臨夫安有動不著渴根夫安有渴即渴是清即動是靜靜

正一天師清微弟子 洪百堅 製作

道教學術資訊網站

而無靜斯爲真靜清而無清斯爲真清蓋空以無所空爲空寂以無所寂爲寂方能化去執著悟入元關一滯聲色迷惑自無是心是身焉得清靜八祖既指陳秘要又復共肩以咏嘆之曰心心果有心究何心身身果有身究何身是心道之心道之心曰無心是身道之身曰無身無身而身靜無心而心清身心清靜而無形以還大道之無形身心清靜而無情以還大道之無情身心清靜而無名以還大道之無名是爲清靜之傳燈

道藏輯要

太上常清靜經
八洞仙祖合註

六

一尾集一

仙翁葛祖曰吾得真道曾誦此經萬遍此經是天人所貴不傳下土吾昔受之於東華帝君東華帝君受之於金闕帝君金闕帝君受之於西王母以上皆係口口相傳不記文字吾今於世書而錄之上士悟之昇爲天官中士修之南宮列仙下士得之在世長年遊行三界昇入金門

左元真入曰學道之士持誦此經者即得十天善神擁護其身然後玉符保神金液煉形神俱妙與道合真

正一真人曰人家有此經悟解之者災障不干眾聖護同神昇上界朝拜高尊功滿德就相感帝君誦持不退身騰紫雲常清靜天尊三稱

重刊道藏輯要

太上老君說常清靜經註

瑩蟻子李道純註

老君曰大道無形生百天地大道無情運行日月大道無名長養萬物吾不知其名強名曰道

總言可道即非常道既不可道何以名道嘆其道道之一字已過了也視之不足見聽之不足聞搏之不可得用之不可既惟惚惟恍不屬聲聞曰希曰夷無有定體若作聲聞會不足以成道若作定體求不足以應變道雖無形因天地生百其形可見道雖無情推日月運行其情可察道雖無名窮萬物長養其名可立易繫云在天成象在地成形變化見矣非

道藏輯要

清靜經

壹

尾集一

道之形乎又曰鼓之以雷霆潤之以風雨日月運行一寒一暑非道之情乎又曰乾道成男坤道成女非道之名乎道本無名聖人強立名道者通天下之萬變歸天下之殊途坦平巖直大路之謂也

夫道者有清有濁有動有靜天清地濁天地靜男清女濁男動女靜降木流末而生萬物清者濁之源動者靜之基人能常清靜天地悉皆歸

鴻蒙未判動靜之理已存清濁既分動靜之機始發清而昇者曰天濁而降者曰地天地一團圓一陰陽互動互靜機絨不已四時成焉百物生焉天地之性人為貴人於物之最靈

正一天師清微弟子洪百堅製作

道教學術資訊網站

男法天女法地男清女濁即天地昇降也男動女靜即天地闔闔也天地網緼萬物化生降木流末生生化化而無有休息太上始言無形無情無名天地之始次言有動有靜謂有名萬物之母也若復有人知此兩者同出異名則知清濁本一動靜不二流雖濁而其源常清用雖動而其體常靜清靜久久神與道俱與天地為一

夫人神好清而心擾之人心好靜而慾牽之若常能遣其欲而心自靜澄其心而神自清自然六慾不生三毒消滅

有道之士常以道制慾不以慾制道以道制慾神所以清心所以靜至道與神悉混淪淪周乎三才萬物應變而無窮

道藏輯要

清靜經

二

尾集一

至廣大盡精微矣苟以慾制道失道者也失道之士欲心一萌無所不至名利牽於外念慮萌於內心為物轉神為心役心神既不清淨道安在哉常能制慾則歸心不動歸心不動則自然澄澄湛湛絕點翳純清復其本然清靜之大矣何慾之有易傳云山下有澤損君子以慾忿窒慾其斯之謂歟所以不能者為心未澄慾未遣也能遣之者內觀其心無其心外觀其形無其形遠觀其物物無其物三者既悟惟見於空

太上云清靜為天下正所謂正者至公無私也惟天理之至公為能勝人欲之至私世人所以不能造道者非不能也為